

ՎԱՐՉԱՊԵՏԻ ԱՄԵՆԱՄՅԱ ԶԱՇՎԵՏՎՈՒԹՅՈՒՆԸ

ԻՐԱԿԼԻ ՂԱՐԻԲԱՇՎԻԼԻ. «ԵՐԿՐԻ ԱՌԱՋԸՆԹԱՅԸ
«ՎՐԱՅԱԿԱՆ ԵՐԱՋԱՆՔ» ԿԱՌԱՎԱՐՈՒԹՅԱՆ
ՀԱՎԱՍՏԱՐԱԿՈՒՄԸ, ՊՐԱԳՄԱՏԻԿ
ՔԱՂԱՔԱԿԱՆՈՒԹՅԱՆ ԱՐԴՅՈՒՆՔՆ Է»

ՎԱՐՉԱՊԵՏԸ ՆԵՐԿԱՅԱՑՐԵՑ ԿԱՌԱՎԱՐՈՒԹՅԱՆ ԳՈՐԾՈՒՆԵՈՒԹՅԱՆ
2023 ԹՎԱԿԱՆԻ ԶԱՇՎԵՏՎՈՒԹՅՈՒՆԸ

Դեկտեմբերի 15-ին, Վրաստանի վարչապետ Իրակլի Դարիբաշվիլին ներկայացրեց կառավարության 2023 թվականի գործունեության հաշվետվությունը:

Հաշվետվության ներկայացմանը ներկա էին Վրաստանի գործադիր և օրենսդիր իշխանության, տեղական ինքնակառավարման մարմինների և դատական իշխանության, Վրաստանում հավատարմագրված դիվանագիտական կորպուսի և Վրաստանի պատրիարքության, ինչպես նաև հասարակական կազմակերպությունների և լրատվամիջոցների ներկայացուցիչներ:



ԵՎՐԱՆՏԵԳՐԱՄԱՆ ՃԱՆԱՊԱՐԻՆ «ՎՐԱՅԱԿԱՆ ԵՐԱՋԱՆՔԸ» ՀԱՏԱԿ ԱՄԵՆԱՄԵԾ ԱՐԴՅՈՒՆՔԻ
Իրակլի Դարիբաշվիլին հաշվետվությունը սկսեց շնորհավորանքից, ասելով.

- Ուզում եմ սկսել շնորհավորանքից- մեր թիւնը, իշխանությունը, մեր ժողովրդի հետ միասին, հասել է ամենամեծ հաղթանակի: Մեր երկիրը դարձել է Եվրամիության թեկնածու երկիր, սա բազմա-

թիվ սերունդների երազանքի իրականացումն է, հայտարարեց վարչապետը և հավելեց, որ հեշտ չէ Եվրամիության թեկնածու երկրի կարգավիճակ ստանալը, թեև իշխող թիւնը կարողացավ դա անել:

- 2012 թվականին հիմք դրվեց մեր երկրի իրական եվրոպականացմանն ու ժողովրդավարացմանը: Մեր կառավարությունը բռնել է մեր երկրի ինքնիշխանու-

(Շարունակությունը՝ 4-րդ էջում)

ՎՐԱՍՏԱՆ - ՀԱՅԱՍՏԱՆ

ՎՐԱՅ-ՀԱՅԿԱԿԱՆ ՀԱՐԱԲԵՐՈՒԹՅՈՒՆՆԵՐԻ ԲԱՐՁՐ ՄԱԿԱՐԴԱԿԸ՝ ՀԱՐԱՎԱՅԻՆ
ԿՈՎԿԱՍՈՒՄ ԱՆՎՏԱՆԳՈՒԹՅԱՆ ԱՊԱՀՈՎՄԱՆ ԿԱՐԵՎՈՐԱԳՈՒՅՆ ԳՈՐԾՈՒ

ՇԱԼՎԱ ՊԱՊՈՒՄԵՇՎԻԼՈՒ ՌԶ ՊԱՇՏՈՆԱԿԱՆ ԱՅՑԸ ՀԱՅԱՍՏԱՆ

Դեկտեմբերի 21-ին, Հայաստանի Ազգային ժողովի նախագահ Ալեն Սիմոնյանի հրավերով, ոչ պաշտոնական այցով Հայաստանում էր գտնվում Վրաստանի խորհրդարանական պատվիրակությունը՝ խոսնակ Շալվա Պապուաշվիլու գլխավորությամբ:

Պատվիրակության կազմում էին Վրաստանի խորհրդարանի նախագահի առաջին տեղակալ Գիորգի Վոլսկին, արտաքին հարաբերությունների կոմիտեի նախագահ Նիկոլոզ Սամխարաձեն, Հայաստանի խորհրդարանի հետ (Շարունակությունը՝ 2-րդ էջում)



Վրաստանի խորհրդարանական պատվիրակությունը
Դիլիջանի Հաղարծին վանական համալիրում

ԽԱՐԱԳՐՈՒԹՅԱՆ ՓՈՍՏԻՑ

ԻՆՉ ԱՐՏՈՆՈՒԹՅՈՒՆՆԵՐ ԵՆ ՄՏԱՆՈՒՄ ՎՐԱՍՏԱՆԸ ՈՒ
ՆՐԱ ՔԱՂԱՔԱՅԻՆԵՐԸ ԵՎՐԱՄՈՒԹՅԱՆ ԹԵԿՆԱԾՈՒԹՅԱՐ



Այս հարցով Ախալցխեից թերթի ընթերցող Վարդան Վարդանյանը նամակ էր ուղարկել «Վրաստանի» էլեկտրոնային փոստի հասցեին: Մեր ընթերցողի հարցին պատասխանում է քաղաքական վերլուծաբան Վախթանգ Ջաբիրաձեն:

Դեկտեմբերի 15-ին, Եվրոպայի խորհուրդն ընդունեց պատմական որոշում, ըստ որի՝ Վրաստանին շնորհվեց Եվրամիության անդամության թեկնածուի կարգավիճակ:

Ինչպես նշեց քաղաքական վերլուծաբանը, Եվրամիության անդամակցության թեկնածուի կար-

գավիճակի շնորհումը, քաղաքական վիթխարի նշանակությունից բացի, ունի զուտ գործնական արդյունքներ՝ ինչպես երկրի, այնպես էլ շարքային քաղաքացիների համար, որը զգալի կդառնա արդեն

(Շարունակությունը՝ 2-րդ էջում)



ՄԵՆՔ ԴԱՐՁԱՆՔ 103 ՏԱՐԵԿԱՆ
ԴԵԿՏԵՄԲԵՐԻ 20-Ը «ՎՐԱՍՏԱՆԻ»
ՇՆՆԴՅԱՆ ՕՐՆ Է

1920 թվականի եղրագծին իր ուղին սկսած «ՎՐԱՍՏԱՆ»-ը, անցնելով տարիների փորձության միջով, հավատարիմ իր սկզբունքներին, արժանապատվորեն շարունակում է իր պատմական առաքելությունը՝ մայրենի լեզվով սպառնիչ տեղեկատվություն փոխանցում, նշելով Վրաստանում տեղի ունեցող իրադարձությունների, երկրի գործադիր և օրենսդիր մարմինների կայացրած որոշումների, Վրահայ համայնքի կյանքի առօրյայի մասին, մշտապես ծառայելով վրաց-հայկական բազմադարյա կապերի ամրացման մեծ գործին:

ԱՄԱՆՈՐՅԱ ԸՆԴՈՒՆԵԼՈՒԹՅՈՒՆ

ՎՐԱՍՏԱՆԻ ՎԱՐՉԱՊԵՏԸ
ՀՅՈՒՐԸՆԿԱԼԵՑ ԴԻՎԱՆԱԳԵՏՆԵՐԻՆ

ՀՅՈՒՐԵՐԻ ԹՎՈՒՄ ԷՐ ՎՐԱՍՏԱՆՈՒՄ ՀԱՅԱՍՏԱՆԻ
ԱՐՏԱԿԱՐԳ ԵՎ ԼԻԱԶՈՐ ԴԵՄՊԱՆ ԱՇՈՏ ՄՄԲԱՏՅԱՆԸ

Դեկտեմբերի 19-ին, Վրաստանի վարչապետ Իրակլի Դարիբաշվիլին տիկնոջ՝ Նունուկա Թամազաշվիլիի հետ, ամանորյա ընդունելությանը հյուրընկալեց Վրաստանում հավատարմագրված դիվանագիտական կորպուսի ներկայացուցիչներին:

Հյուրերի թվում էր Վրաստանում Հայաստանի արտակարգ և լիազոր դեսպան Աշոտ Սմբատյանը:



ՌՈՒՄԹԱՎԻ ՊԱՏՄՈՒԹՅԱՆ ՄԵՋ ԱՌԱՋԻՆ
ԴԻՎԱՆԱԳԻՏԱԿԱՆ ՆԵՐԿԱՅԱՑՈՒՅԴՈՒԹՅՈՒՆԸ
ՀԱՅԱՍՏԱՆԻ ՊԱՏՎՈ ՀՅՈՒՊԱՏՈՍԱՐԱՆԷ Է

Դեկտեմբերի 19-ին, Ռուսթավի քաղաքում, քաղաքապետարանից ոչ հեռու, Կոստավայի փողոցի թիվ 18-ում տեղի ունեցավ Վրաստանում Հայաստանի պատվո հյուպատոսի գրասենյակի բացման հանդիսավոր արարողությունը:

Միջոցառմանը ողջույնի խոսքով հանդես եկավ Վրաստանում Հայաստանի արտակարգ և լիազոր դեսպան Աշոտ Սմբատյանը, Վրահայոց թեմի առաջնորդ Տեր Կիրակոս Եպիսկոպոս Դավթյանը, Վրաստանի արտաքին գործերի նախարարության Հյուպատոսական դեպարտամենտի տնօրեն Գիորգի Տաբատաձեն, նորանշանակ պատվո հյուպատոս Գիորգի Մախուրաձեն, Վրաստան» թերթի գլխավոր խմբագիր Վան Բայբուրդյանը, Ռուսթավի փոխքաղաքապետ Կախա Գուրուլին, Վրաստանի պատվավոր



հյուպատոսների ասոցիացիայի փոխնախագահ Լեւան Բաղդավերիձեն:

Վրաստանում Հայաստանի առաջին պատվո հյուպատոս 37-ամյա Գիորգի Մախուրաձեն Մանչեստերի բիզնես դպրոցի մագիստրոս է, 16 տարի աշխատել է բանկային-ֆինանսական ոլորտում: Ներկայումս «Արդիես Բորժոմի» ընկերության տնօրենների խորհրդի նախագահն է:

ԽԱՐԱԳՐՈՒԹՅԱՆ ՓՈՍՏԻՑ

ԻՆՉ ԱՐՏՈՆՈՒԹՅՈՒՆՆԵՐ ԵՆ ՍՏԱՆՈՒՄ ՎՐԱՍՏԱՆՆ ՈՒ ՆՐԱ ՔԱՂԱՔԱՅԻՆԵՐԸ ԵՎՐԱՄԻՈՒԹՅԱՆ ԹԵԿՆԱԾՈՒԹՅԱՄԲ

(Սկիզբը՝ 1-ին էջում)

Իսկ մոտ ժամանակներում: Եվ հատկանշական է, որ դա իրեն զգացնել կտա կյանքի բոլոր ոլորտներում, սկսած էկոնոմիկայից՝ ռուսմիգրի գոյակալանացումից (այդ մասին արդեն տարվում են խոսակցություններ) եւ ավարտած՝ ենթակառուցների եւ գործարարների համար երկարաժամկետ, նվազ տոկոսադրույքներով, վարկերով:

Վախտանգ Ջաբիրաձեի խոսքերով, թեկնածուի կարգավիճակը դրամական որեւէ պարզեւ չի նախատեսում, սակայն

այն մոր հեռանկարներ է բացում երկրի համար: Նախ՝ թեկնածուի կարգավիճակը նշանակալիորեն բարձրացնում է երկրի վարկանիշը, ինչը, իր հերթին, հանգեցնում է օտարերկրյա ներդրումների հոսքի ավելացման: Կենսական նշանակության տարբեր ոլորտներում կիրակա-նացվեն լայնածավալ նախագծեր: Մասնավորապես, արդեն շատ ավելի ակտիվ տեմպերով առաջ կտարվեն ենթակառուցային, այդ թվում՝ տրանսպորտային, հաղորդակցության, զբոսաշրջության, ագրարային հատվածի զարգացման, ոլորտի արդյունավետության մեծացման,

գյուղնթերքների վերամշակման, մարդկային ներուժի արդյունավետ օգտագործման եւ այլ նախագծեր, ուսանողները կստանան Եվրոպայի առաջատար համալսարաններում անվճար սովորելու հնարավորություն, կակտիվանա փորձի փոխանակման, առաջավոր տեխնոլոգիաների ներդրման գործընթացը: Մի խոսքով, քաղաքական վերլուծաբանների եզրահանգմամբ, Եվրամիության անդամակցության թեկնածուի կարգավիճակը Վրաստանի սոցիալ-տնտեսական զարգացման ավելի քան հուսալի նախադրյալ է, -ասաց Վախտանգ Ջաբիրաձեն:

ԵՎՐԱԽՆՏԵԳՐՈՒՄ



ԻՐԱԿԻ ԿՈՐԱՄԻՏԵ. «ՎՐԱՍՏԱՆԸ ՊԱՏՐԱՍ ԿԼԻՆԻ ԱՆՂԱՄԱԿՑՈՒԹՅԱՆ ԲԱՆԱԿՑՈՒԹՅՈՒՆՆԵՐԸ ՍԿՍԵԼ ԱՎԵԼԻ ՇՈՒՏ»

«Վրացական երազանք» կուսակցության նախագահ Իրակլի Կոբախիձեի խոսքով, հաջորդ տարի՝ դեկտեմբերին, կքննարկվի Վրաստանի համար բանակցություններ սկսելու հարցը, թեպետ Վրաստանը պատրաստ կլինի բանակցություններ սկսել նույնիսկ՝ ավելի վաղ:

- Ինքն առաջնահերթությունների իրականացումը սկսվել է եւ ինտենսիվ կշարունակվի: Սկզբից մինչեւ վերջ մենք պատրաստ կլինենք նույնիսկ ավելի վաղ բանակցություններ սկսել Վրաստանի համար: Բոլորին հայտնի է, որ Վրաստանը իրականում, բոլոր առումներով, առաջ է անցել Ուկրաինայից ու Մոլդովայից, ինչպես նաեւ մի շարք այլ թեկնածու երկրներից, որոնց հետ արդեն բանակցություններ են սկսվել: Ուստի, վստահ եմք, որ մինչեւ դեկտեմբեր պատրաստ կլինենք բանակցություններ վարել, - ասաց Իրակլի Կոբախիձեն:

ՎՐԱՍՏԱՆ - ՀԱՅԱՍՏԱՆ

ՎՐԱՅ-ՀԱՅԿԱԿԱՆ ՀԱՐԱԲԵՐՈՒԹՅՈՒՆՆԵՐԻ ԲԱՐՁՐ ՄԱԿԱՐԴԱԿԸ՝ ՀԱՐԱՎԱՅԻՆ ԿՈՎԿԱՍՈՒՄ ԱՆՎՏԱՆԳՈՒԹՅԱՆ ԱՊԱՀՈՎՄԱՆ ԿԱՐԵՎՈՐԱԳՈՒՅՆ ԳՈՐԾՈՆ

(Սկիզբը՝ 1-ին էջում)

բարեկամական խմբի անդամ, Ախալցխեի, Ապսիդայի, Բորժոմիի մեծամասնական պատգամավոր Անտոն Օբոլաշվիլին:

Վրաստանի եւ Հայաստանի խորհրդարանների նախագահների՝ Դիլիջանում կայացած հանդիպումը մեկնարկեց առանձնագրույցով, որին հաջորդեց ընդլայնված կազմով հանդիպումը:

Ալեն Սիմոնյանը եղբայրական Վրաստանին շնորհավորեց Եվրամիության թեկնածու երկրի կարգավիճակ ստանալու կապակցությամբ եւ նշեց, որ դա կարելու իրադարձություն է ողջ տարածաշրջանի համար:

Հայաստանի Ազգային ժողովի նախագահի հավաստմամբ, Վրաստանի հետ հարաբերությունների խորացումը Հայաստանի համար ռազմավարական նշանակություն ունի, եւ հույս հայտնեց, որ մոտ ապագայում կհաջողվի երկու երկրների միջեւ հաստատել ռազմավարական գործընկերություն:

Հանդիպմանը Շալվա Պապուաշվիլին եւ Ալեն Սիմոնյանը՝ անդրադառնալով երկու տնտեսական կապերին, կարեւորեցին դրանց էլ ավելի խորացման անհրաժեշտությունը: Հայկական կողմը դրական գնահատեց Վրաստանի տարածքով հայկական բեռների տարանցումը դուրացնելուն ուղղված վրացական կողմի ջանքերը:

Քննարկելով տարածաշրջանային անվտանգության ու մարտահրավերների թեման, Ալեն Սիմոնյանը վերահաստատեց տարածաշրջանում խաղաղություն եւ կայունություն հաստատելու օրակարգին Հայաստանի հավատարմությունը: Խոսելով Հայաստանի ներկայացրած «խաղաղության խաչմերուկ» նախագծի մասին, Ալեն Սիմոնյանը Վրաստանին առաջարկեց միանալ այդ նախագծին:

- Հայաստանի եւ Վրաստանի հարաբերությունների բարձր մակարդակը Հայկական Կովկասում անվտանգության ապահովման կարելու գործոններից է: Բարձր ենք գնահատում Վրաստանի հետ

տաքերկրվածությունը եւ ջանքերը տարածաշրջանում խաղաղություն ու կայունություն հաստատելու գործում: Վրաստանի կառավարության «խաղաղ հարեւանություն» նախաձեռնությունը միտված է հենց այս նպատակին, - ընդգծեց Հայաստանի ԱԺ նախագահը:

Իր հերթին Շալվա Պապուաշվիլին գոհունակությամբ ընդգծեց երկկողմ խորհրդարանական համագործակցության ձեւաչափի արդյունավետությունը: Անդրադառնալով տարածաշրջանային խնդիրներին՝ Վրաստանի խորհրդարանի նախագահն ընդգծեց, որ իրենք աջակցում են Հայաստանի եւ Ադրբեյջանի միջեւ խաղաղության պայմանագրի ստորագրմանը, որը տարածաշրջանում երկարատեւ կայունության եւ զարգացման երաշխիք կարող է լինել:

Դիլիջանում կայացած հանդիպմանը ներկա էին Հայաստանում Վրաստանի դեսպան Գիորգի Շարվաշիձեն եւ Վրաստանում Հայաստանի դեսպան Աշոտ Սմբատյանը:

ԻՍՐԱՅԵԼ - ՀԱՄԱՍ

ՀՐԱՂԱՂԱՐԻ ԱՌԱՋԱՐԿԸ ՄԵՐԺՎԵԼ Է Իսրայելը Համասին առաջարկ է ներկայացրել, որը ներառում է մեկշաբաթյա դադար՝ 40 պատանդների ազատ արձակման դիմաց՝ ներառյալ կանայք, տարեցներ եւ շտապ օգնության կարիք ունեցողներ:

ՀԱՄԱՍ-ը հրաժարվել է քննարկել պատանդների ազատ արձակման հարցը, քանի դեռ հրադադարը ուժի մեջ չի մտել:

ՍԵՐԲԻԱ

ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐՈՒՄ ՀԱՂԹԵԼ Է ՆԱԽԱԳԱՀ ՎՈՒՋԻՋԻ ԹԻՍԸ

Սերբիայի խորհրդարանական ընտրություններին «Ալեքսանդր Վուչիչ-Սերբիան չպետք է կանգ առնի» կոալիցիան արժանացել է ընտրողների 46,72 տոկոսի աջակցությամբ: Հաջորդը ընդդիմադիր «Սերբիան ընդդեմ բռնության» դաշինքն է՝ 23,56 տոկոս արդյունքով: Երրորդ տեղը զբաղեցնում է Սերբիայի սոցիալիստական կուսակցությունը՝ 6,56 տոկոս արդյունքով:

ՉԵԽԻԱ

ՀՐԱԶԳՈՒԹՅՈՒՆ ՊՐԱՀԱՅԻ ՀԱՄԱՆԱՐԱՆՈՒՄ

Պրահայի համալսարանում տեղի ունեցած հրաձգության արդյունքում զոհվել է 15, վիրավորվել՝ 24 մարդ:

Հարձակվողի՝ 24 տարեկան տղամարդու դին հայտնաբերվել է համալսարանում: Նա Կառլի համալսարանի արվեստի ֆակուլտետի ուսանող էր: Երիտասարդը Պրահայից 21 կիլոմետր հեռավորության վրա գտնվող գյուղի բնակիչ էր: Ոստիկանության տվյալներով՝ կասկածյալի հորը մահացած են գտել՝ հարձակումից քիչ առաջ:

ԱՄՆ

ԿՈԼՈՐԱԴՈՅԻ ՂԱՏԱՐԱՆԸ ԹՐԱՄԹԻՆ ԱՐԳԵԼԵԼ Է ԱՌԱՋԱՐԵԼ ԻՐ ԹԵԿՆԱԾՈՒԹՅՈՒՆԸ

Կոլորադոյի գերագույն դատարանը անախաղեպ որոշում է կայացրել, համաձայն որի՝ ԱՄՆ նախկին նախագահ Դոնալդ Թրամփը չի կարող առաջադրվել 2024 թ. նախագահական ընտրություններին: Դատարանը դա հիմնավորել է նրանով, որ Թրամփը ներգրավված է եղել խռովության մեջ, ինչը սահմանադրությամբ արգելված է պետական պաշտոն զբաղեցնող անձի համար:

Կոլորադոյի դատարանի այս որոշմամբ, Թրամփը պատասխանատու է համարվում 2020 թ. ընտրությունների արդյունքները տապալելու փորձի մեջ: 2021 թ. հունվարի 6-ին Դոնալդ Թրամփի աջակիցները ներխուժել էին ԱՄՆ Կապիտոլիումի շենք, որի հետեւանքով 5 մարդ էր մահացել: Դոնալդ Թրամփը կարող է բողոքարկել այս որոշումը եւ դիմել ԱՄՆ գերագույն դատարան:

ՀԱՐՑՈՒՄ



ԵՎՐԱՄԻՈՒԹՅԱՆ ԱՆՂԱՄԱԿՑՈՒԹՅԱՆ ՀԵՌԱՆԿԱՐԸ՝ ԲՆԱԿՉՈՒԹՅԱՆ ՄԵԾԱՄԱՍՆՈՒԹՅԱՆ ԼԱՎԱՏԵՍՈՒԹՅԱՆ ՆԱԽԱԴՐՅԱԼ

Ամերիկյան Ազգային ժողովրդավարական ինստիտուտը (NDI) ներկայացրեց երկրի ողջ տարածքում (առանց գրավյալ տարածքների)՝ հոկտեմբերի 14-ից նոյեմբերի 4-ը անցկացված, Վրաստանի չափահաս բնակչության դեմառնեմ հարցման արդյունքների վրա հիմնված զեկույցը: Հոկտեմբերյան հարցումն ընդհանուր առմամբ ներառում է 2068 ավարտված հարցազրույց: Հարցման միջին սխալի սահմանը +/- 2,2 տոկոս է:

ՀԱՅԱՑՔՆԵՐՈՎ ԱՄԵՆԱՄՈՏ ԿՈՒՍԱԿՑՈՒԹՅՈՒՆԸ «ՎՐԱՍՏԱԿԱՆ ԵՐԱՋԱՆՔՆ» Է

ԱՄՆ «Ազգային ժողովրդավարական ինստիտուտի» (NDI) վերջին հետազոտության համաձայն՝ Վրաստանի բնակչության մեծ մասը քաղաքականապես չի կողմնորոշվել:

Հարցին, թե ո՞ր կուսակցությունն է իրենց հայացքներին ամենամոտը, հարցված քաղաքացիների 47 տոկոսի կարծիքով՝ նման կուսակցություն չկա, 19 տոկոսը նշել է «Վրացական երազանքը», 13 տոկոսը հրաժարվել է պատասխանել, 6 տոկոսը պատասխանել է՝ «չգիտեմ», 4 տոկոսը նշել է «Ազգային շարժումը», 12 տոկոսը՝ այլ կուսակցություններ:

ԿԱՌԱՎԱՐՈՒԹՅԱՆ ԳՈՐԾՈՒՆԵՈՒԹՅՈՒՆԸ ԴՐԱՎԱՆ Է ՔԱՆՈՒՄԵԼ ԲՆԱԿՉՈՒԹՅԱՆ 54 ՏՈԿՈՍԸ

NDI-ի հետազոտության համաձայն՝ կառավարության գործունեության դրական գնահատականն աճել է 10 տոկոսով:

Հարցին, թե ինչպե՞ս կգնահատեք ներկայիս կառավարության աշխատանքը, հարցվածների 54 տոկոսը պատասխանել է, որ «լավ» է գնահատում կառավարության աշխատանքը, հարցվածների 38 տոկոսը «վատ» է գնահատում, «չգիտեմ»՝ պատասխանել է հարցվածների վեց տոկոսը, իսկ երկու տոկոսը հրաժարվել է պատասխանել:

Ինչպես նշվում է ուսումնասիրության մեջ, այս տարվա մարտին կատարված հետազոտության համեմատ, դրական ցուցանիշն աճել է 11 տոկոսով, իսկ բացասական ցուցանիշը նվազել է հինգ տոկոսով:

ՆԱԽԱԳԱՀԻ ԱՇԽԱՏԱՆՔԸ 30 ՏՈԿՈՍԸ ՔԱՆՈՒՄԵԼ Է «ՎԱՏ»

NDI-ի հրապարակած տվյալներով՝ հարցվածների 30 տոկոսը Վրաստանի նախագահի գործունեությունը գնահատում է «վատ»:

Հարցին, թե ինչպե՞ս կգնահատեք նախագահի աշխատանքը, հարցվածների 16 տոկոսն ասում է, որ «լավ» է գնահատում նախագահի աշխատանքը, 41 տոկոսը՝ «միջին», իսկ 30 տոկոսը՝ «վատ»: «Չգիտեմ»՝ պատասխանել է 11 տոկոսը, իսկ հարցվածների մեկ տոկոսը հրաժարվել է պատասխանել:

Այս դեպքում, այս տարվա մարտի համեմատ, դրական ցուցանիշը նվազել է մեկ տոկոսով, իսկ բացասական ցուցանիշն աճել է երկու տոկոսով:

ԱՊԱԳԱՅԻ ՆԿԱՏԱՄԱՐ ԼԱՎԱՏԵՍՆԵՐԻ ԹԻՎԸ ԱՎԵԼԱՑԵԼ Է

NDI-ի հետազոտության համաձայն՝ հարցվածների մեծ մասը լավատես է Վրաստանի ապագայի նկատմամբ: Հարցին, թե որքանո՞վ եք համաձայն կամ՝ ոչ հետեւյալ պնդմանը՝ «ես լավատես եմ իմ երկրի ապագայի նկատմամբ», - Հարցվածների 45 տոկոսն ասում է, որ «համաձայն է», 39 տոկոսը՝ «ոչ համաձայն է, ոչ էլ՝ համաձայն չէ», 14 տոկոսը՝ «համաձայն չէ», իսկ հարցվածների 2 տոկոսը՝ «չգիտի»:

2022 թվականի դեկտեմբերի տվյալներով՝ հարցվածների արդյունքները հետեւյալն են՝ «համաձայն եմ»՝ 44 տոկոսը, «ոչ համաձայն է, ոչ էլ՝ համաձայն չէ»՝ 37 տոկոսը, 17 տոկոսը՝ «համաձայն չէ», մեկ տոկոսը՝ «չգիտի»:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԳՆԱՀԱՏՈՒՄ

«ՊԱՅԾԱՌԱՓԱՅԼՈՒԹՅԱՆ ՇՔԱՆՇԱՆ»՝ ԱՄԻՐԱՆ ԳԱՄԱՐԵԼԻՁԵԻՆ

Վրաստանի նախագահ Սալոմե Զուրաբիշվիլին Հիվանդությունների վերահսկման եւ հանրային առողջության ազգային կենտրոնի (NCDC-ի) նախկին ղեկավար Ամիրան Գամդրելիձեին պարգևատրել է «Պայծառափայլության շքանշանով»:

Նախագահական իրամանագրում նշված է, որ Ամիրան Գամդրելիձեն պարգևատրվել է առողջապահության համակարգի զարգացման գործում ներդրած մեծ ավանդի, COVID-19 համավարակի դեմ պայքարում ունեցած առանձնահատուկ վաստակի, բարձր մակարդակի պրոֆեսիոնալիզմի, հանուն երկրի անձնուրաց աշխատանքի, իր հաջո-

ղակ մանկավարժական եւ գիտական աշխատանքի համար:

Նշենք, որ Ամիրան Գամդրելիձեն Հիվանդությունների վերահսկման եւ հանրային առողջության ազգային կենտրոնի գլխավոր տնօրենն է եղել 2013 թվականի փետրվարի 7-ից: 2022 թվականի օգոստոսի 5-ը:



ԱՌՈՂՋԱՊԱՐԻԹՅՈՒՆ

ԹԱՍԱՐ ԳԱԲՈՒՆԻԱ. «2024 ԹՎԱԿԱՆԻՅՈՒՆԻ ՀԻՎԱՆԳՈՒԹՅՈՒՆՆԵՐԻ ԲՈՒԺՄԱՆ ԴԵՂԵՐԸ ԱՄԲՈՂՈՒԹՅԱՄԲ ԿՖԻՆԱՆՍԱՎՈՐՎԵՆ ԴԵՏՈՒԹՅԱՆ ԿՈՂՄԻՅ՝



Վրաստանի առողջապահության փոխնախարար Թամար Գաբունիայի խոսքով, 2024 թվականից բոլոր այն մարդիկ, ում համար պետությունը որոշակի սահմաններում ֆինանսավորում էր բրոնխի հիվանդությունների բուժման դեղերը, ամբողջությամբ կֆինանսավորվեն ամբողջ տարվա ընթացքում:

Նրա պարզաբանմամբ՝ ծրագրի ընդլայնման հնարավորությունը հնարավոր է դարձել այն բարեփոխումների արդյունքում, որոնք

առողջապահության նախարարությունը վերջին երկու տարիներին ակտիվ իրականացնում է դեղերի հասանելիությունը մեծացնելու նպատակով: Դրանց թվում են թուրքական շուկայի բացումը եւ դե-

ղերի տեղեկատու գները:

- Ունեֆերանսային քաղաքականությամբ եւ թուրքական շուկայի բացմամբ Վրաստանի քաղաքացիներն ընդհանուր առմամբ խնայել են 300-400 մլն լարի: Եթե խոսենք տարեկան կտրվածքով, ապա որոշ դեղերի գները նվազել են 80 տոկոսով: Սակայն, ինչպես ենթադրում էինք, այն կրճատվում է միջինը 40%-ով, ինչը, կարծում են, բավական մեծ հաջողություն է,- ասաց Թամար Գաբունիան:

ՎՐԱՍՏԱՆ - ԳԵՐՄԱՆԻԱ

ՄՏՈՐԱԳՐՎԵՅՈՒՄ ԱՆՕՐԻՆԱԿԱՆ ՄԻԳՐԱՅԻԱՅԻ ԴԵՄ ՊԱՅՔԱՐԻ ՀԱՄԱՁԱՅՆԱԳԻՐ

Դեկտեմբերի 17-19-ին, պաշտոնական այցով Վրաստանում էր գտնվում Գերմանիայի ներքին գործերի դաշնային նախարար Նենսի Փեզերը:

Այցի շրջանակներում, գերմանացի բարձրաստիճան հյուրը հանդիպումներ ունեցավ Վրաստանի վարչապետ Իրակլի Դարիբաշվիլի եւ ներքին գործերի նախարար Վախթանգ Գոմելաուրու հետ:

Հանդիպումներին քննարկվեցին երկրորդ համագործակցության ակտիվացմանն առնչվող հարցեր:

Գերմանիայի եւ Վրաստանի ներքին գործերի նախարարների հանդիպման շր-


ջանակներում Վրաստանի կառավարության եւ Գերմանիայի կառավարության միջեւ ստորագրվեց միգրացիայի եւ շարժունակության մասին համաձայնագիր: Համաձայնագիրը նպատակ ունի ամրապնդել Վրաստանի եւ Գերմանիայի Դաշնային Հանրապետության միջեւ աշխատանքային միգրացիայի եւ կրթու-



թյան ոլորտում համագործակցությունը:

ՏԱՐԱԾՆԵՐԶԱՆ

ԱՄՍԼՈՐՅԱՆ ՄԻԳՐԱՆՈՒՄՆԵՐ ՍԱՄՅՈՒՆ-ԶԱՎԱՍԵԹԻ ՏԱՐԱԾՆԵՐԶԱՆՈՒՄ



Վրաստանի կառավարության աշխատակազմի կազմակերպմամբ, Սամցխե-Ջավախեթի տարածաշրջանի բոլոր վեց մունիցիպալիտետներում, կանցկացվեց ամանորյա միջոցառումներ:

Ախալքալաքի. Ախալքալաքիում ամանորյա միջոցառումները կմեկնարկեն դեկտեմբերի 25-ից: Այդ օրը քաղաքի կենտրոնական զբոսայգում եւ հարակից տարածքներում կանցկացվի շքերթ, կկազմակերպվի ամանորյա տոնավաճառ, տեղի մանկական համույթների համերգ, հեքիաթային հերոսների ներկայացումներ:

Նինոծմինդա. Դեկտեմբերի 23-ին, Նինոծմինդայում ամանորյա միջոցառումները կսկսվեն քաղաքի «Հայոս-Քարթլոս» զբոսայգում եւ հարակից տարածքներում: Միջոցառման շրջանակներում՝ կանցկացվի շքերթ, մանկական համույթների համերգ, հեքիաթային հերոսների ներկայացումներ, ամանորյա տոնավաճառ:

Ախալցխի. Քաղաքի Շոթա Ռուսթավելու հուշարձանի հարակից տարածքում, հունվարի 3-ին ծրագրված ամանորյա միջոցառումների շրջանակներում, կանցկացվի ամանորյա տոնավաճառ, շքերթ, մանկական համույթների համերգ, ներկայացումներ:

Ասպինձա. Թամար թագուհու փողոցում եւ հարակից իրապարակում, դեկտեմբերի 27-ին, կմեկնարկեն ամանորյա միջոցառումներ, որոնց շրջանակներում կանցկացվի շքերթ, մանկական համույթների համերգ, ամանորյա տոնավաճառ:

Բորժոմի. Քաղաքի Մերաբ Կոստավայի անվան պուրակում, հունվարի 4-ին, կանցկացվի ամանորյա միջոցառում՝ դիմակահանդես, շքերթ, ամանորյա տոնավաճառ եւ համերգներ:

Բակուրիանի. Այստեղ ամանորյա միջոցառումները կմեկնարկեն հունվարի 7-ին: Դրանք կներառեն դիմակահանդեսային շքերթ, ամանորյա տոնավաճառ, համերգներ:

ՀԱՆԳԻՊՈՒՄ՝ «ԿԵՆՍԱԲԱՑՄԵՐԱՆԳՈՒԹՅՈՒՆ ԵՎ ԿԱՅՈՒՆ ՏԵՂԱԿԱՆ ԶԱՐԳԱՅՈՒՄԸ ՎՐԱՍՏԱՆՈՒՄ՝ ՆԱԽԱԳԾԻ ՇՐՋԱՆԱԿՆԵՐՈՒՄ

Ախալցխիի մունիցիպալիտետի քաղաքապետարանում կայացավ աշխատանքային հանդիպում՝ «Կենսաբազմաբնույթությունը եւ կայուն տեղական զարգացումը Վրաստանում» նախագծի շրջանակներում:

Հանդիպմանը ներկա էին տարածաշրջանային վարչակազմի, տեղական ինքնակառավարման, ոչ կառավարման հատվածի եւ Գերմանիայի վերակառուցման եւ զարգացման վարկային բանկի (KfW) ներկայացուցիչներ:

Հանդիպմանը քննարկվեց էրուրի նորաշեն անտառատնեսության տարածքում զբոսաշրջության ենթակառուցվածքի կարգավորման հարցը:

Վերոնշյալ նախագծի պաշտպանված տարածքների քաղաքիչն իրականացնում է Վրաստանի բնապահպանության եւ գյուղատնտեսության նախարարությանն առընթեր պաշտպանված տարածքների գործակալությունը (APA), որը ֆինանսավորվում է Գերմանիայի տնտեսական համագործակցության եւ զարգացման դաշնային նախարարության կողմից (BMZ)՝ Գերմանիայի վերակառուցման եւ զարգացման վարկային բանկի (KfW) միջոցով: Նախագծի իրականացման խորհրդատվական սպասարկումը ապահովում է խորհրդատվական «Գոպա» (GOPA) ընկերությունը:

ԶԵՆՈՒԳՈՐԾ ԱՇԽԱՏԱՆՔՆԵՐԻ ԶՈՒՅԱՆԱՆԴԵՍ ԱՆՍԼՔԱՆՔԻԻ «ԱՊԱԳԱՅԻ ՏԱՆԸ»

Ախալքալաքիի քաղաքապետարանի «Ապագայի տանը» կազմակերպվել էր «Ամանորի գիշերը» թեմային

առնչվող նկարների եւ ձեռագործ աշխատանքների ցուցահանդես:

Ցուցահանդեսին ներկա էին Ախալքալաքիի մունիցիպալիտետի քաղաքապետարանի փոխքաղաքապետեր Թեմուրազ Մեդելիձե, Մկրտիչ Մղդեսյանը, սակրեբուլոյի նախագահ Նաիրի Իրիցյանը, քաղաքապետարանի մշակույթի ծառայության ներկայացուցիչներ եւ քաղաքացիներ:

Ցուցահանդեսի բացմանը նշվեց, որ քաղաքապետարանում բնակվող երիտասարդներին ոչ ֆորմալ կրթության մեջ ներգրավելը եւ, այս ուղղությամբ նախագծերում ներգրավված երիտասարդներին աջակցելը կարևոր առաջնահերթություն է տեղական ինքնակառավարման համար:

ՀԱՆԱՊԱՐԶԱՆԵՆԱԿԱՆ ԾՐԱԳՐԵՐ՝ ՄԱՌՆԵՈՒԼԻԻ ՄՈՒՆԻԻՅԻՊԱԼԻՏԵՏՈՒՄ

Մառնեուլիի մունիցիպալիտետի քաղաքապետարանը ճանապարհային ենթակառուցվածքային 23 նախագծերի եւ, ճանապարհների կառուցման վերականգնման աշխատանքների նախագծային ու ծախսային հաշվառման փաստաթղթերի կազմման համար, հատկացրել է 400 հազար լարի:

Նախատեսվում է իրականացնել Շահումյան ավանի, Աղբյուրի, Ծերաքվի, Սիոնի գյուղերի ներքին ճանապարհների վերականգնում (բետոնե/երկաթբետոնե ծածկով), Զանախչի գյուղի դպրոց տանող ճանապարհի վերանորոգում (բետոնե/երկաթբետոնե ծածկով), Աղբյուրի գյուղում՝ դեպի զբոսաշրջային դիտակետ տանող ճանապարհի կառուցում:

Պատրաստեց ԱՐԵՎԻԿԱ ՄԱՆՈՒԿՅԱՆԸ



ՄԱՐԱՑԵԼ Է ԿԻՆՈՒԹԻՍՈՐ ՕԹԱՐ ԻՈՍԵԼԻԱՆԻՆ

Դեկտեմբերի 17-ին, 89 տարեկանում, մահացել է վրացի կինոուեժիտոր, Վրաստանի ժողովրդական արտիստ, վրացական արվեստի վաստակավոր գործիչ Օթար Իոսելիանին:



1956 թվականից Օթար Իոսելիանին աշխատում էր «Վրացական ֆիլմ» կինոստուդիայում՝ որպես ռեժիսորի ասիստենտ, մոնտաժ, վավերագրական ֆիլմերի ռեժիսոր, իսկ 1961 թվականից ստուդիայի ռեժիսորն ու սցենարիստն էր, 1980 թվականից աշխատել է Ֆրանսիայում: Նկարել է կարճամետրաժ ֆիլմեր՝ «Ավարել», «Ապրիլ», «Գիորգո-բիսպել», վերջինիս համար արժանացել է Կաննի կինոփառատոնի հատուկ կինոմամուլի մրցանակին եւ ժողովրդական մրցանակին լավագույն դերերի համար: 1984 թվականին նրա «Լուսնի ֆավորիտները» արժանացել է Վենետիկի կինոփառատոնի ժյուրիի հատուկ մրցանակին: Նույն մրցանակին են արժանացել Իոսելիանիի երկու այլ ֆիլմեր՝ «Եվ լույս եղավ» (1989) եւ «Ավագակներ. Գլուխ VII»: Ռեժիսորի նոր «Շանտրապա» ֆիլմը, 2010 թվականի Կաննի կինոփառատոնում, ներկայացվել է արտամրցութային ցուցադրությամբ:

ՏԱՐԱԳՐԱՄԻ ՓՈԽԱՆԱԿԱՆ ԿՈՒՐՍԸ (22 դեկտեմբերի)

Ազգային բանկի կողմից սահմանվել է տարադրամի հետևյալ կուրսը.

Տարադրամ	Լարի
1 ԱՄՆ ԴՈԼԱՐ	2.6882
1 ԵՎՐՈ	2.9430
100 ՌՈՒԲԼԻ	2.9188
1000 ԴՐԱՄ	6.6498

ՎԱՐՉԱՊԵՏԻ ԱՄԵՆԱՄՅԱ ՂԱՇՎԵՏՎՈՒԹՅՈՒՆ

ԻՐԱԿԼԻ ՂԱՐԻԲԱՇՎԻԼԻ. «ԵՐԿՐԻ ԱՌԱՋԸՆԹԱՅԸ «ՎՐԱՅԱԿԱՆ ԵՐԱՁԱՆՔ» ԿԱՌԱՎԱՐՈՒԹՅԱՆ ՀԱՎԱՍՏԱՐԱԿՆՈՎԱԾ, ՊՐԱԳՄԱՏԻԿ ԲԱՂԱՔԱԿԱՆՈՒԹՅԱՆ ԱՐԴՅՈՒՆՔՆ Է»

(Սկիզբը՝ 1-ին էջում)

թյան ամրապնդման ուղին նրանից հետո, երբ Բիծինա Իվա-նիշվիլին եւ «Վրացական երազանքը» ստանձնեցին մեր երկրի կառավարման ղեկը,- նշեց Իրակլի Ղարիբաշվիլին:

Կառավարության ղեկավարի խոսքով՝ «Վրացական երազանքը» կարողացել է ամենամեծ արդյունքի հասնել եվրաինտեգրման ճանապարհին:

- Սկսած ասոցացման համաձայնագրի ստորագրումից, մինչեւ ազատ առեւտուր եւ անայցեգրային պայմանակարգ: Մեր հռչակած արտաքին քաղաքականության հիմնական առաջնահերթությունը նույնիսկ արտացոլվել է սահմանադրության մեջ, եւ այն պսակվել է անցյալ տարի եվրոպական հեռանկարի ճանաչմամբ, իսկ արդեն այս տարի՝ թեկնածուի կարգավիճակով,- ընդգծեց Իրակլի Ղարիբաշվիլին:

«ՄԵՆՔ ԽՈՒՍԱՓԵՑԻՆՔ ՊԱՏԵՐԱԶՄԻՑ ԵՎ ԽԱՂԱՂ, ՀԱՍՏԱՏԱԿԱՄՈՐԵՆ ՄԵՐ ԵՐԿԻՐԸ ՏԱՐԱՆՔ ԴԵՊԻ ԽԱՂԱՂՈՒԹՅՈՒՆ»

Իր ամենամյա հաշվետվությունը ներկայացնելիս՝ Վրաստանի վարչապետ Իրակլի Ղարիբաշվիլին առանձնապես կանգ առավ երկրի առջեւ ծառացած արտաքին քաղաքական մարտահրավերների հաղթահարման ուղիությունը՝ իրականացված քայլերի վրա:

- Հայտարարեցիք պետք է ասել, որ որոշումներ ենք կայացրել՝ ելնելով բացառապես մեր երկրի ու ժողովրդի շահերից, խուսափեցինք ժողովրդի եւ երկրի համար ամենամեծ փորձությունից, խուսափեցինք պատերազմից եւ խաղաղ, խելամտորեն եւ հաստատակամորեն տանում ենք մեր երկիրը դեպի խաղաղություն: Իհարկե, ես հեռու եմ այն կարծիքից, որ այդ ռիսկերը լիովին չեզոքացվել են, մենք ռիսկերը գնահատում ենք առավել զգուշությամբ ու խելամտությամբ, ձեռնարկում համապատասխան նախագծովակման միջոցներ եւ պաշտպանում մեր երկրի բնակչությանը, մեր ժողովրդին:

Միաժամանակ ուզում եմ նշել, որ մեր երկրի գործընկերները, եվրոպացի եւ արեւմտյան բարեկամները լիովին տեղեկացված են մեր կառավարության քաղաքականության առաջադրանքների ու նպատակների մասին եւ այլեւս հարցեր չկան,- ընդգծեց Իրակլի Ղարիբաշվիլին:

ՀԱՅԱՍՏԱՆԻ ԵՎ ԱՊՐԲԵՋԱՆԻ ՄԻՋԵՎ ԿՈՆԿՐԵՏ ԱՐԴՅՈՒՆՔՆԵՐԻ ՀԱՆԳԵՑՐԵՑ ՎՐԱՄԱՆԻ ՄԻՋՆՈՐԱԿԱՆ ՆԱԽԱՋԵՆՈՒԹՅՈՒՆԸ

Վրաստանի վարչապետ Իրակլի Ղարիբաշվիլին, իր ամենամյա հաշվետվության մեջ, առանձնակի կանգ առավ տարածաշրջանային անվտանգության հարցերին, նշելով, որ Վրաստանը շահագրգռված է Հարավային Կովկասում երկարաժամկետ խաղաղության եւ կայունության հաստատմամբ եւ զգալի ներդրում ունի այդ նպատակի իրագործման մեջ:

Նրա խոսքով, Վրաստանը բարեկամական հարաբերություններ ունի տարածաշրջանի գործընկեր երկրների՝ Հայաստանի, Ադրբեջանի եւ Թուրքիայի հետ եւ իր կառավարության միջնորդական նախաձեռնությունը Հայաստանի եւ Ադրբեջանի միջեւ կոնկրետ արդյունքներ է տվել:

- Ես կցանկանայի մատնանշել այն, որ որոշ ժամանակ առաջ, Վրաստան էին ժամանել Հայաստանի եւ Ադրբեջանի վարչապետները: Մենք՝ երեք երկրների ղեկավարներս, եզակի հնարավորություն ունեցանք միասին հանդիպելու: Կարծում եմ, որ դա շատ հետաքրքիր նախադեպ էր, որը մենք ստեղծեցինք,- ասաց Իրակլի Ղարիբաշվիլին:

«ՎՐԱՑԱԿԱՆ ԵՐԱՁԱՆՔԻ» ԻՇԽԱՆՈՒԹՅԱՆ ՕՐՈՔ ԷԿՈՆՈՄԻԿԱՆ ԵՈՒՊԱՏԿՎԵՑ, ԲՅՈՒՋԵՆ ԱՅՍՈՐ ՌԵԿՈՐԴԱՅԻՆ Է - 28 ՄԻԼԻԱՐԴ 700 ՄԻԼԻՈՆ

Անդրադառնալով կառավարության տնտեսական գործունեությանը՝ Վրաստանի վարչապետ Իրակլի Ղարիբաշվիլին իր հաշվետվության մեջ նշեց, որ վերջին 11 տարվա ընթացքում, երկրի էկոնոմիկան եռապատկվել է, իսկ վերջին երեք տարվա ընթացքում՝ այն ավելացել է 30 միլիարդ լարիով:

- 2012 թվականին բյուջեի ծավալը 8 միլիարդ 465 միլիոն լարի էր, իսկ 2024 թվականի համար ծրագրել ենք 28 միլիարդ 700 միլիոն լարի: 2012 թվականին համախառն ներքին արտադրանքը կազմում էր 27 միլիարդ լարի: 2023 թվականին այն հասցվեց 80 միլիարդի, իսկ 2024 թվականի համար ծրագրել ենք 86 միլիարդ լարի,- հայտարարեց վարչապետը՝ հավելելով, որ բնակչության մեկ շնչի հաշվով համախառն ներքին արտադրանքի բաժինը 2023 թվականին հասցվել է 8100 ԱՄՆ դոլարի, իսկ 2024-ին այն կկազմի 8500 դոլար:

ԱՋԱԿՑՈՒԹՅՈՒՆ՝ ԲԻՋՆԵՍ ՀԱՏՎԱԾԻՆ

Իր ամենամյա հաշվետվության մեջ Վրաստանի վարչապետը մանրամասն անդրադարձավ գործարարների

հետ կառավարության սերտ համագործակցությանը եւ նշեց, որ 2015-2023 թվականներին կառավարության կողմից ֆինանսավորվել են 12 հազարից ավելի փոքր եւ միջին գործարարության 9 հազարից ավելի բիզնես-նախագծեր:

- Միայն 2023 թվականին, «Արտադրի՝ Վրաստանում» ծրագրի շրջանակներում, 116 միլիոն լարիով ֆինանսավորվել է 1140 նախագիծ,- նշեց վարչապետը՝ հավելելով, որ վերոնշյալ ծրագրի մեկնարկից ի վեր, 400 միլիոն լարիով ֆինանսավորվել է 12 հազար նախագիծ եւ ստեղծվել է մոտ 70 հազար նոր աշխատատեղ:

ԱՐՏՈՆՅԱԼ ՎԱՐԿԵՐ՝ ՖԵՐՄԵՐՆԵՐԻՆ

Կառավարության գործունեության 2023 թվականի հաշվետվությունը ներկայացնելիս՝ Վրաստանի վարչապետը նշեց, որ 2011 թվականին բնապահպանության եւ գյուղատնտեսության նախարարության ընդհանուր բյուջեն կազմում էր 100 միլիոն լարի, իսկ 2024 թվականի համար այդ ուղղորդի պետական ֆինանսավորումը հասցվելու է 688 միլիոն լարիի, այսինքն՝ 11 տարվա ընթացքում գումարը յոթնապատկվելու է:

- Վերջին 11 տարիների ընթացքում՝ ագրոբիզնեսի արդյունավետությունն ավելացել է 112 տոկոսով: Դրան նշանակալիորեն նպաստել է մեր կողմից նախաձեռնած «Ներդրի՝ ապագան» ծրագիրը: Սկսած 2013 թվականից մինչ օրս, շուրջ 46 հազար շահառուի տրվել է 5,9 միլիարդ լարիի արտոնյալ վարկ,- հայտարարեց վարչապետը՝ հավելելով, որ կառավարության համաֆինանսավորմամբ, սկսած 2019 թվականից գնվել եւ ֆերմերներին է փոխանցվել մոտ 5 հազար միավոր գյուղտնիսնիկա, ինչի համար ծախսվել է 75 միլիոն լարի:

ԵՆԹԱԿԱՌՈՒՅՑՆԵՐԸ՝ ՏՆՏԵՍԱԿԱՆ ԱՌԱՋՆԹԱՅԻ ԳՐԱՎԱԿԱՆ

Ներկայացնելով 2023 թվականի գործունեության հաշվետվությունը՝ Վրաստանի վարչապետ Իրակլի Ղարիբաշվիլին մանրամասն խոսեց երկրի ողջ տարածքով ենթակառուցային նախագծերի իրականացման մասին: Վարչապետի խոսքով, մինչեւ 2012 թվականը, երկրում կառուցվել էր 68 կիլոմետր երկաթուղային արագընթաց ավտոմայրուղի, իսկ 2013 թվականից հետո այդ ցուցանիշը եռապատկվեց եւ հասցվեց 203 կիլոմետրի:

- Վերջին 11 տարիների ընթացքում, ողջ երկրի տարածքով, տարբեր նշանակության ճանապարհների շինարարության-վերանորոգման համար, ծախսվել է 13 միլիարդ 600 միլիոն լարի: 2012-2023 թվականներին Վրաստանի տարածաշրջաններում կառուցվել է 10800 կիլոմետր մունիցիպալային ճանապարհ, ինչի համար ծախսվել է 3 միլիարդ 300 միլիոն լարի,- հայտարարեց վարչապետը:

ԱՌԱՋՆԱԿԻ ՌԵԿՆԻՏԻՆԵՐԻՆ՝

ՍՈՒՆԻՑԻՊԱԼԻՏԵՏՆԵՐԻ ԶԱՐԳԱՑՄԱՆԸ

Խոսելով երկրի մունիցիպալիտետներում իրականացվող նախագծերի մասին՝ վարչապետն իր հաշվետվության մեջ նշեց, որ կառավարության նախաձեռնությամբ գործարկվել է «Նորացված տարածաշրջաններ» ծրագիրը, որի շրջանակներում երկրի 63 մունիցիպալիտետներում կառուցվել է մոտ 100 զբոսայգի եւ պուրակ, վերանորոգվել է 730 օբյեկտ:

- Շարունակում է գործել բարձրալեռ բնակավայրերի աջակցության ծրագիրը: Այսօրվա դրությամբ, այդ կարգավիճակից օգտվում է շուրջ 263 հազար մարդ եւ 500 ձեռնարկություն: 2022 թվականին հատկացվեց 100 միլիոն, իսկ 2023 թվականին՝ 121 միլիոն լարի,- ընդգծեց վարչապետը:

ԿՈՆԿՐԵՏ ԲԱՅԼԵՐ՝ ԱԶԳԱՅԻՆ

ՓՈՔՐԱՄԱՍՆՈՒԹՅՈՒՆՆԵՐԻ ԻՆՏԵԳՐԱԿՈՒՐՈՒԹՅԱՆ ԻՐ ամենամյա հաշվետվության մեջ Վրաստանի վարչապետն անդրադարձավ նաեւ Վրաստանի բնակիչ ազգային փոքրամասնությունների ներկայացուցիչների ինտեգրման անհրաժեշտությանը, նշելով, որ այդ ուղղությամբ արգելակիչ հանգամանքներից մեկը պետական լեզվի չիմացությունն է:

- Ազգային փոքրամասնությունների հիմնական մարտահրավերներից մեկը վրաց լեզվի չիմացությունն է, ուստի, մենք սկսեցինք, ես կասեի, կարելու բարեփոխում: Արդյունքում մանկապարտեզներում եւ դպրոցներում արդեն ներդրվել է երկլեզու ուսուցման մեթոդը: Ազգային փոքրամասնությունների կայացմանը քաղաքացիների վրացերենի ուսուցումը պետք է սկսել մանկապարտեզներից: Դա կշարունակվի դպրոցներում եւ բիլինգվային մեթոդով ուսուցումը, կարծում եմ, շատ կարելու է: Այս ուղղությամբ մենք է՛լ ավելի կակտիվացնենք, կընդլայնենք ու կներառենք ավելի շատ մեր համաքաղաքացիների,- ասաց Իրակլի Ղարիբաշվիլին:

2024 ԹՎԱԿԱՆԻՆ ՌԵՍՈՒՑԻԶՆԵՐԻ ԱՇԽԱՏԱՎԱՐՁԸ ԿԱՎԵԼԱՑՎԻ ԱՌԵՎԱՋՆ 500 ԼԱՐԻՈՎ

Գործադիր իշխանության 2023 թվականի գործունեության արդյունքների հանրագումարմանը՝ Իրակլի Ղարիբաշվիլին նշեց, որ 2022-2023 թվականներին 250 դպրոցներում իրականացվել է ամբողջական կամ մասնակի վերականգնում, մինչեւ 2027 թվականը բոլոր դպրոցները ե՛լ կկառուցվեն, ե՛լ կվերականգնվեն միասնական եվրոպական ստանդարտներով:

- Ուզում եմ անդրադառնալ նաեւ վարձատրության խնդրին: 2012 թվականին ուսուցչի միջին աշխատավարձը կազմում էր 330 լարի, այսօր աշխատավարձն արդեն բարձրացել է 270 տոկոսով եւ կազմում է 1230 լարի:

Մենք նույնպես աննախադեպ որոշում ենք կայացրել, եւ ուսուցիչների աշխատավարձը 2024 թվականից կբարձրացվի 500 լարիով եւ ավելի: Այս նպատակով բյուջեից հատկացվել է 160 մլն լարի, իսկ աշխատավարձը կկազմի 1700-1800 լարի եւ բարձր,- հայտարարեց վարչապետը՝ հավելելով, որ 2012 թվականից հետո, 9 անգամ ավելացվել է մասնագիտական կրթության ֆինանսավորումը, իսկ բարձրագույն կրթության ոլորտին հատկացվող գումարները կրկնապատկվել են, հասցվել՝ 150 միլիոն լարիի:

Իրակլի Ղարիբաշվիլին նշեց, որ 2012 թվականին կրթության եւ գիտության նախարարության բյուջեն կազմում էր 626 միլիոն լարի, 2023-ին այն հասցվեց 2 միլիարդի, իսկ 2024-ի համար ծրագրվել է՝ 2,5 միլիարդ լարիի ավելացում:

- Եթե 2012 թվականին երկրում գործում էր 1200 մանկապարտեզ, որոնք հիմնականում վճարովի հաստատություններ էին, ներկա դրությամբ, ամնիջականորեն պետության ֆինանսավորմամբ, գործում է 1690 մանկապարտեզ: Միայն 2023 թվականին կառուցվել եւ վերանորոգվել է շուրջ հազար մանկապարտեզ, ինչի համար բյուջեից ծախսվել է 1,3 միլիարդ լարի,- հայտարարեց վարչապետը:

ԱՌԱՋՆԱԿԻ ՀՈԳԱՏԱՐՈՒԹՅՈՒՆ՝

ԱՌՈՂՋԱՊԱՂՈՒԹՅԱՆ ԵՎ ՍՈՑԻԱԼԱԿԱՆ ՈԼՈՐՏԵՐԻՆ

Խոսելով առողջապահության եւ սոցիալական ոլորտում իրականացված բարեփոխումների մասին՝ Իրակլի Ղարիբաշվիլին նշեց, որ համընդհանուր առողջապահության ծրագրից արդեն օգտվել է շուրջ 3 միլիոն քաղաքացի, 11 միլիոնից ավելի բժշկական ծառայության համար վճարվել է ավելի քան 7 միլիարդ լարի:

- Կոնկրետ քայլեր ձեռնարկվեցին դեղորայքի գների նվազեցման ուղղությամբ, ինչը բնակչությանը թույլ տվեցին տնտեսել շուրջ 400 միլիոն լարի,- հայտարարեց Իրակլի Ղարիբաշվիլին եւ հավելեց, որ նշանակալիորեն ավելացվել է բուժանձնակազմի վարձատրությունը՝ 2012-ին բժիշկի աշխատավարձը կազմում էր 450 լարի, 2023-ին հասցվեց 2184 լարիի, իսկ բուժքրոջ աշխատավարձը 300-ից հասցվեց 1665 լարիի:

ԿԵՆՍԱԹՈՇՎԱՆԵՐԻ ԱՎԵԼԱՑՄԱՆ

ԾՐԱԳԻՐԸ ԿՐԿԻՆ ԳՈՐԾՈՒՄ Է

2024 թվականից կրկին կավելացվի կենսաթոշակը: - 70 եւ ավելի տարիքի մարդկանց կենսաթոշակը կավելացվի 50 լարիով եւ կհասցվի 415 լարիի, իսկ բարձրալեռ բնակավայրերի 70 եւ ավելի տարիքի մարդկանց կենսաթոշակը կհասցվի գրեթե 500 լարիի: Մինչեւ 70 տարեկանների կենսաթոշակը 2024 թվականին կկազմի 315 լարի, նույն տարեքի բարձրալեռ գոտու բնակիչներին՝ 380 լարիի: Համեմատության կարգով նշեմ, որ 2012 թվականին կենսաթոշակի չափը, համապատասխանաբար, կազմում էր 125 եւ 140 լարի,- նշեց Իրակլի Ղարիբաշվիլին:

179 ԵՐԿՐՆԵՐԻ ԹՎՈՒՄ ՎՐԱՄԱՆԸ

ԱՌԱՋԻՆ ՏԱՆՆՅԱԿՈՒՄ Է

Իր հանրագումարային հաշվետվության մեջ Իրակլի Ղարիբաշվիլին նշեց, որ վերջին 11 տարիներին կառավարության գործադրած ջանքերը իրենց արտացոլումն են գտել ոչ միայն երկրի սոցիալ-տնտեսական ցուցանիշներում, այլեւ արժանիորեն գնահատվել են միջազգային հանրության կողմից:

- Մասնավորապես, «Ժողովրդավարության բազմերանգություն» կազմակերպության 2023 թվականի հաշվետվությունում ժողովրդավարության 10-ամյա առաջընթացով, Վրաստանը ներառվեց աշխարհի 179 երկրների թվում առաջին տասնյակում: «Գլոբալ մրցունակության հաշվետվությունում» Վրաստանը իր ցուցանիշներով գերազանցում է Եվրամիության եւ ՆԱՏՕ-ի անդամ շատ երկրների, իսկ կոռուպցիայի վերահսկողության վարկանիշով՝ Վրաստանը աշխարհում 20-րդ, Եվրոպայում՝ 11-րդ, իսկ ետխորհրդային երկրների թվում զբաղեցնում է երկրորդ տեղը,- հայտարարեց Իրակլի Ղարիբաշվիլին: